

UGOVOR
O NABAVCI USLUGE VALIDACIJA INSTRUMENTA GC-MS

zaključen između:

JU Zavod za medicinu rada Kantona Sarajevo,
Sjedište: Bulevar Meše Selimovića 2,
koji zastupa: direktor Prim.dr Samir Čovrk, spec.interne med.,
ID broj: 4200298890007,
(u daljnjem tekstu: Naručilac)

i

Altium International d.o.o. Sarajevo
Sjedište: ul. Azize Šaćirbegović 1
kojeg zastupa: Ajla Kadrić, direktor,
Žiro račun: 1610000045160010
Naziv banke: Raiffeisen Bank dd
ID broj: 4200953850005
(u daljnjem tekstu: Izvršilac),

Član 1.

Predmet ovog ugovora je nabavka usluge **Validacija instrumenta GC-MS za potrebe Laboratorija za toksikološka ispitivanja i higijenu radne sredine** JU Zavod za medicinu rada Kantona Sarajevo, prema ponudi broj: 20104/2024

Član 2.

Cijena koju će Naručilac isplatiti Izvršiocu za usluge iz člana 1. Ugovora iznosi:

- Cijena bez PDV-a: **5.500,00 KM**(slovima: pethiljadapetstotina 00/100)
- Porez na dodanu vrijednost (PDV 17%): **935,00 KM**(slovima: devetstotinatridesetpet 00/100)
- Ukupna vrijednost/cijena sa PDV-om: **6.435,00 KM** (slovima: šestiljadačetiristotinetridesetpet 00/100 KM).

Član 3.

Plaćanje će se izvršiti u roku od 30 dana od dana isporuke i zaprimanja računa za izvršene usluge. Plaćanje se obavlja na žiroračun Izvršioca. Naručilac ne prihvata avansno plaćanje i traženje sredstava osiguranja plaćanja. Ukupna plaćanja Izvršiocu bez PDV-a na temelju sklopljenog ugovora ne smiju prelaziti procijenjenu vrijednost nabavke.

Obaveza Naručioca da isplati cijenu podrazumijeva poduzimanje mjera i udovoljavanje formalnostima predviđenim Ugovorom ili odgovarajućim zakonima i propisima da bi se omogućilo plaćanje.

Izvršilac je dužan izdati/sačiniti fakturu u skladu s odredbama pozitivnih propisa iz oblasti poreza, u suprotnom ista neće biti plaćena i bit će vraćena Izvršiocu na usklađivanje.

Uslovi plaćanja i drugi uslovi koje Izvršilac jednostrano unese u fakturu ne obavezuju Naručioca ni onda kada je fakturu primio, a nije joj prigovorio.

Član 4.

Rok izvršenja usluga iz člana 1. ovog Ugovora je 30 dana računajući od datuma obostranog potpisivanja ovog ugovora.

Pod izvršenjem usluga se podrazumijevaju sve potrebne radnje koje je Izvršilac dužan obaviti, prema ugovoru i prirodi posla, da bi Naručilac mogao primiti izvršenje usluga.

Mjesto izvršenja usluga su prostorije JU Zavoda za medicinu rada Kantona Sarajevo.

Naručilac se obavezuje isplatiti cijenu i primiti izvršenje usluga onako kako je predviđeno ovim Ugovorom.

Član 5.

Izvršilac je obavezan usluge iz člana 1. Ugovora izvršiti u roku, na način i pod uslovima određenim ponudom Izvršioca i odredbama ovog Ugovora te pri tome postupati sa pažnjom dobrog privrednika, odnosno sa pažnjom dobrog stručnjaka, u suprotnom preuzima i snosi punu odgovornost, troškove i rizik.

U izvršenju usluga Izvršilac je dužan osigurati da iste u njegovo ime izvršavaju eksperti iz predmetne oblasti sa odgovarajućim nivoom znanja / vještina za konkretne poslove.

Član 6.

Ovaj Ugovor stupa na snagu danom obostranog potpisivanja od strane ovlaštenih lica ugovornih strana. Svi rokovi u vezi s ovim Ugovorom računaju se od dana stupanja Ugovora na snagu, ukoliko posebnom odredbom nije ugovoren neki drugi datum kao početak toka roka.

Član 7.

Ugovorne strane su saglasne sa primjenom odredbi Zakona o obligacionim odnosima i to u pogledu prava, obaveza i odnosa koji nisu regulisani odredbama ovog Ugovora, a koji nastanu u vezi s i povodom izvršenja ovog Ugovora.

Član 8.

Sve eventualne sporove i nesporazume koji bi mogli nastati iz ovog Ugovora ili povodom ovog Ugovora, Ugovorne strane će nastojati riješiti usaglašavanjem, posredovanjem ili na drugi miran način u duhu uzajamnog povjerenja i dobrih poslovnih običaja.

Ukoliko ugovorne strane ne postignu mirno rješenje eventualnog spora u smislu stava 1. ovog člana ugovara se nadležnost suda u Sarajevu, Bosna i Hercegovina, uz primjenu pozitivnog prava Bosne i Hercegovine.

Član 9.

Izmjene i dopune ovog Ugovora mogu se vršiti samo pismenim putem. Bit će punovažne i obavezivati će ugovorne strane samo one izmjene i dopune koje su sačinili sporazumno u pismenoj formi.

Član 10.

Ovaj Ugovor je sačinjen u 4 (četiri) istovjetna primjerka od kojih svaka ugovorna strana zadržava po 2 (dva) primjerka.



Izvršilac
Direktor d.o.o.

Ajla Kadrić



Naručilac:
Direktor

Prim.dr Samir Čovrk
spec.interne med.

Broj: 1052/2024
Datum: 21.10.2024

Broj: 01-08-1740-3/24
Datum: 18.10.2024. godine